

實用

中醫典籍寶庫

第廿三冊

綫裝書局

產

後

編

傅山

著

產後編目錄

上卷

產後總論

產前後方症宜忌

正產 傷產 調產 催生 凍產 熱產 橫產 盤腸產 難產 死產 下胞 斷胎 新產治法

產後用藥十誤 產後寒熱 胎前患傷寒疫症胎前胎等症

血塊

血量

厥症

血崩

氣短似喘

妄言妄見

傷食

忿怒

類瘡

類傷寒二陽症

類傷寒三陰症

類中風

類瘰

出汗

盜汗

口渴兼小便不利

遺尿

下卷

誤破尿胞

患淋

便數

瀉

完穀不化

痢

霍亂

嘔逆不食

咳嗽

水腫

流注

膨脹

怔忡驚悸

骨蒸

心痛

腹痛

小腹痛

虛勞

遍身疼痛

腰痛

脅痛

陰痛

惡露

乳瘋

風甚

不語

補編

大便不通

鷄爪風

浮腫

產後編上 共四十三症

陽曲傅 山青主手著

產後總論

凡病起於血氣之衰。脾胃之虛。而產後尤甚。是以丹溪先生論產後必大補氣血爲先。雖有他症。以未治之。斯言盡治產之大旨。若能擴充立方。則治產可無過矣。夫產後憂驚勞倦。氣血暴虛。諸症乘虛易入。如有氣母專耗散。有食母專消導。熱不可用芩連。寒不可用桂附。寒則血塊停滯。熱則新血崩流。至若中虛外感。見三陽表症之多。似可汗也。在產後而用麻黃。則重竭其陽。見三陰裏症之多。似可下也。在產後而用承氣。則重亡陰血。耳聾脅痛。乃腎虛惡露之停。休用柴胡。謬語出汗。乃元弱似邪之症。非同胃實。厥由陽氣之衰。無分寒熱。非大補不能回陽而起弱。瘕因陰血之虧。不論剛柔。非滋榮不能舒筋而活絡。乍寒乍熱。發作無期。症似瘡也。若以瘡治。遷延難愈。言論無倫。神不守舍。病似邪也。若以邪治。危亡可待。去血過多。而大便燥結。肉蓯蓉加於生化。非潤腸承氣之能通。去汗過多。而小便短澀。六君子倍加參芪。必生津助液之可利。加參生化湯類服。救產後之危。長生活命丹屢用。甦絕穀之人。

癰疽脫肛。多是氣虛下陷。補中益氣之方。口噤拳攣。乃因血燥類風。加參生化之劑。產戶入風而痛甚。服宜羌活養榮湯。玉門傷涼而不閉。洗宜蠟兒黃硫散。怔忡驚悸。生化湯加以定志。似邪恍惚。安神丸助以歸脾。因氣而悶滿虛煩。生化湯加木香爲佐。因食而嘔酸惡食。六君子加神麴麥芽爲良。蘇木莪朮。大能破血。青皮枳殼。最消滿脹。一應耗氣破血之劑。汗吐宣下之法。止可施諸壯實。豈宜用於胎產。大抵新產後。先問惡露如何。塊痛未除。不可遽加參朮。腹中痛止。補中益氣無疑。至若亡陽脫汗。氣虛喘促。頻服加參生化湯。是從權也。又如亡陰火熱。血崩厥暈。速煎生化原方。是救急也。王太僕云。治下補下。治以急緩。緩則道路達而力微。急則氣味厚而力重。故治產當遵丹溪而固本。服法宜效太僕以頻加。凡付生死之重寄。須着意於極危。欲求俯仰之無虧。用存心於愛物。此雖未盡產症之詳。然所聞一症。皆援近鄉治驗爲據。亦未必無小補云。

正產

正產者。有腹或痛或止。腰脅酸痛。或勢急而胞未破。名弄胎。服八珍湯。加香附自安。有胞破數日而痛尙緩。亦服上藥俟之。

傷產

傷產者。胎未足月。有所傷動。或腹痛臍痛。或服催生藥太早。或產母努力太過。逼兒錯路。不能正產。故臨月必舉動從容。不可多睡飽食飲酒。但覺腹中動轉。卽正身仰臥。待兒轉順。與其臨時費力。不如先時慎重。

調產

調產者。產母臨月擇穩婆。辦器用。備參藥。產時不可多人喧鬧。二人扶身。或憑物站。心煩用滾水調白蜜一匙。獨活湯更妙。或飢服糜粥少許。勿令飢渴。有生息未順者。只說有雙胎。或胎衣不下。忽令產母驚恐。

催生

催生者。因坐草太早。困倦難產。用八珍湯。稍佐以香附乳香。以助血氣。胞衣早破。漿血已乾。亦用八珍湯。

凍產

凍產者。天寒血氣凝滯。不能速生。故衣裳宜厚。產室宜煖。背心下體尤要。

熱產

熱產者。暑月宜溫涼得宜。若產室人衆。熱氣蒸逼。致頭痛面赤昏暈等症。宜飲清水少許。以

解之。然風雨陰涼亦當避之。

橫產

橫產者。兒居母腹。頭上足下。產時則頭向下。產母若用力逼之。胎轉至半而橫。當令產母安。然仰臥。令其自順。穩婆以中指挾其肩。勿使臍帶羈絆。用催生藥。努力卽生。

當歸。紫蘇。各三錢。長流水煎服。卽下。

一方。用好京墨磨服之。卽下。

一方。用敗筆頭一個。火鍛。以藕節自然汁調服之。卽下。

一方。用益母草六兩。濃煎。加童便一大杯。調服。卽下。

盤腸產

盤腸產者。產則子腸先出。然後生子。其腸或未卽收。以葶麻子四十九粒。研碎塗頭上。腸收。急急洗去。遲則有害。又方。止用四十粒。去皮研爲膏。塗頭中。收卽拭之。如腸燥。以磨刀水潤之。再用磁石煎湯服之。須陰陽家用過有驗者。

難產

難產者。交骨不開。不能生產也。服加味芎歸湯。良久卽下。

小川芎兩、當歸兩、敗龜版酒炙、婦人髮灰一握。須用生過男女者爲末。水一鍾煎七分服。

死產

死產者。子死腹中也。驗母舌青黑。其胎已死。先用平胃散一服。酒水各一鍾。煎八分。投朴硝煎服。卽下。用童便亦好。後用補劑調理。

下胞

胞衣不下。用滾酒送下失笑散一劑。或益母丸。或生化湯送鹿角灰一錢。或以產母髮入口作吐。胞衣卽出。有氣虛不能送出者。腹必脹痛。單用生化湯。

全當歸兩、川芎三錢、白朮一錢、香附一錢、加入參三錢。更妙。用水煎服。

一方用草麻子二兩、雄黃二錢。研膏塗足下湧泉穴。衣下急速洗去。

平胃散

南蒼朮來泔水浸炒、厚朴炒、陳皮、炙草各二錢。

共爲粗末。或水煎。或酒煎。煎成時加朴硝二錢。再煎一二沸。溫服。

失笑散

五靈脂、蒲黃。俱研爲細末。每服三錢。熱酒下。

斷臍

斷臍必以綿裹咬斷爲妙。如遇天寒或因難產。母子勞倦。宜以大麻油紙燃。徐徐燒斷。以助元氣。雖兒已死。令煖氣入臍。多得生。切勿以刀斷之。

滑胎散。臨月常服數劑。以便易生。

當歸錢三五 川芎錢五七 杜仲錢二 熟地錢三 枳殼分七 山萸錢二 水二鍾。煎八分。食前溫服。如氣體虛。

弱人。加入人參白朮。隨宜服之。如便實多滯者。加牛膝二錢。

治產祕驗良方

治橫生逆產。至數日不下。一服卽下。有未足月。忽然胎動。一服卽安。或臨月先服一服。保

護無虞。更能治胎死腹中。及小產傷胎無乳者。一服卽如原體。

全當歸錢二 川芎錢五 川貝母錢一 荊芥穗錢八 黃芪錢八 厚朴錢五 蘄艾錢七 紅花錢七 兔絲

子錢二 白芍錢一 枳殼錢六 羌活錢六 甘草錢五

上十三味。只用十二味。不可加減。安胎去紅花。催生去蘄艾。用井水鍾半。薑二片爲引。熱服。渣用水一鍾。煎半鍾。熱服。如不好。再用水一鍾。煎半鍾。服之卽效。不用二劑。

催生免腦丸。治橫生逆產神效。

臘月兔腦個一錢。母丁香個一錢。乳香另研一錢。麝香分一。兔腦爲丸。芡實大。陰乾密封。用時以溫酒送下一丸。

奪命丹

臨產未產時。日反口噤。面黑唇青。口中吐沫。命在須臾。若臉面微紅。子死母活。急用蛇蛻。蠶故子燒灰不存性。髮灰錢一。乳香分五。共爲細末。酒下。

加味芎歸湯治子宮不收。產門不開。

人參錢二。黃芪錢一。川芎錢一。當歸錢二。升麻分八。炙草分四。五味子粒十五。再不收。加半夏分八。白芍酒炒分八。

新產治法

生化湯先連進二服。若胎前素弱。婦人見危症。熱症。墮胎。不可拘帖數服。至病退乃止。若產時勞甚。血崩形脫。卽加入參三四錢。在內。頻服無虞。若氣促亦加入參。加參於生化湯者。血塊無滯。不可以參爲補而弗用也。有治產不用當歸者。見偏之甚。此方處置萬全。必無一失。世以四物湯治產。地黃性寒滯血。芍藥微酸無補。伐傷生氣。誤甚。

產後用藥十誤

一因氣不舒。而誤用耗氣順氣等藥。反增飽悶。陳皮用至五分。禁枳實厚朴。

二因傷氣而誤用消導。反損胃氣至絕穀。禁枳殼、大黃、蓬、稜、麴、朴。
三因身熱而誤用寒涼。必致損胃增熱。禁芩、連、梔、柏、升、紫。

四因日內未曾服生化湯。勿用參、芪、朮。以致塊痛不消。

五毋用地黃。以滯惡露。

六毋獨用枳殼、牛膝、枳實以消塊。

七便祕。毋用大黃、芒硝。

八毋用蘇木、稜、蓬以行塊。芍藥能伐氣。不可用。

九毋獨用山查湯。以攻塊定痛而反損新血。

十毋輕服濟坤丹。以下胎下胞。

產後危疾諸症。當頻服生化湯。隨症加減。照依方論。

產後寒熱。

凡新產後。榮衛俱虛。易發寒熱。身痛腹痛。決不可妄投發散之劑。當用生化湯爲主。稍佐發散之藥。產後脾虛。易於停食。以致身熱。世人見有身熱。便以爲外感。遽然發汗。速亡甚矣。當於生化湯中。加扶脾消食之藥。大抵產後。先宜補血。次補氣。若偏補氣。而專用參、芪。

非善也。產後補虛。用參芪芎歸白朮陳皮炙草。熱輕則用茯苓淡滲之藥。其熱自除。重則加乾薑。或云大熱而用薑何也。曰此熱非有餘之熱。乃陰虛內生熱耳。蓋乾薑能入肺分。利肺氣。又能入肝分。引衆藥生血。然必與陰血藥同用之。產後惡寒發熱。腹痛者。當主惡血。若腹不痛。非惡血也。

產後寒熱。口眼歪邪。此乃氣血虛甚。以大補爲主。左手脈不足。補血藥多於補氣藥。右手脈不足。補氣藥多於補血藥。切不可用小續命等發散之藥。

胎前患傷寒疫症。瘡疾。墮胎等症。

胎前或患傷寒疫症。瘡疾。熱久必致墮胎。墮後愈增熱。因熱消陰血。而又繼產失血故也。治者甚勿妄論傷寒瘡疫未除。誤投梔子豉湯紫芩連柏等藥。雖或往來潮熱。大小便秘。五苓承氣等藥。斷不可用。只重產輕邪。大補氣血。頻服生化湯。如形脫氣脫。加生脈散。以防血暈。蓋川芎味辛能散。乾薑能除虛火熱。雖有便秘煩渴等症。只多服生化湯。自津液生而二便通矣。若熱用寒劑。愈虛中氣。誤甚。

產後諸症治法

血塊第一

此症勿拘古方。妄用蘇木、蓬朶，以輕人命。其一應散血方，破血藥俱禁用。雖山查性緩，亦能害命，不可擅用。惟生化湯係血塊聖藥也。

生化湯原方

當歸錢八，川芎錢三，桃仁十四粒去，黑薑分五，炙草分五，用黃酒童便各半煎服。

又益母丸、鹿角灰，就生生化湯送下一錢。外用烘熱衣服，煖和塊痛處。雖大暑亦要和煖。塊痛處有氣不運，而暈迷厥，切不可妄說惡血，搶心。只服生化湯爲妙。俗有生地、牛膝行血，由稜蓬朶敗血，由查沙糖消塊，蘄艾椒酒定痛，反致昏暈等症，切不可妄用。二三四日內覺痛減，可揉乃虛痛也。宜加參生化湯。

肉桂一作三分。

如七日內，或因寒涼食物，結塊痛甚者，加入肉桂八分於生化湯內。如血塊未消，不可加參。用之則痛不止。總之慎勿用峻利藥。勿多飲薑椒艾酒。頻服生化湯行氣助血。外用熱衣以煖腹。如用紅花以行之。蘇木、牛膝以攻之，則誤。其胎氣服烏藥、香附以順之。枳殼、厚朴以舒之。甚有青皮、枳實、蘇子以下氣定喘。芥連、梔子、黃柏以退熱除煩。至於血結更甚，反用承氣湯下之而愈結。汗多小便短濇，反用五苓散通之而愈秘。非徒無益，而又害之也。凡兒生下，或停血不下，半月外尚痛，或外加腫毒高寸許，或身熱，減飲食，倦甚，必用生化湯。

加三稜、蓬朮、肉桂等，攻補兼治。其塊自消。如虛甚，食少泄瀉，只服此帖定痛，且健脾胃，進食止瀉。然後服消塊湯。

加味生化湯 治血塊日久不消，半月後方可用之。

川芎^{一錢}、當歸^{三錢}、肉薑^{四分}、桃仁^{十五粒}、三稜^{六分}、元胡^{六分}、肉桂^{六分}、炙草^{四分}。

血暈第二

分娩之後，眼見黑花，頭眩昏暈，不省人事者，一因勞倦甚而氣竭神昏，二因大脫血而氣欲絕，三因痰火乘虛泛上而神不守。當急服生化湯二三帖。外用韭菜細切，納有嘴瓶中，用滾醋二鍾，沖入瓶內，急沖產母鼻中，即醒。若偏信古方，認為惡血搶心，而輕用散血之劑，認為痰火，而用無補消降之方，誤甚矣。

如暈厥牙關緊閉，速煎生化湯，挖開口，將鵝毛探喉，酒盞盛而灌之。如灌下腹中漸溫煖，不可拘帖數，外用熱手在單衣上，從心揉按至腹，常熱火煖之一兩時，服生化湯四帖完，即神清。始少緩藥方進粥，服至十服而安。故犯此者，連灌藥火煖，不可棄而不救。若在冬月，婦人身欠煖，亦有大害。臨產時，必預煎生化湯，預燒稱錘硬石子候兒下地，連服二三帖，又產婦枕邊行醋韭投醋瓶之法，決無暈症。又兒生時，合家不可喜子而慢母，產母不可顧子忘倦。